



БУЛГАН АЙМГИЙН ЗАСАГ ДАРГЫН ЗАХИРАМЖ

2024 оны 04 сарын 18 өдөр

Дугаар A/256

Булган сум

Гүйцэтгэгчтэй гэрээ шууд байгуулах эрх олгох тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.4, 60.1.5, 66 дугаар зүйлийн 66.1, Төрийн болон орон нутгийн өмчийн хөрөнгөөр бараа, ажил үйлчилгээ худалдан авах тухай хуулийн 10 дугаар зүйлийн 10.2, Засгийн газрын 2024 оны 01 дугаар сарын 03-ны өдрийн "Худалдан авах ажиллагаанд баримтлах төсөвт өргтийн дээд хязгаар тогтоох тухай" 02 дугаар тогтоол, Барилга, хот байгуулалтын сайдын 2020 оны 108-р тушаалаар батлагдсан "Зураг төслийн жишиг үнийн дүрэм" БД81-16-20, Аймгийн Иргэдийн Төлөөлөгчдийн Хурлын 2023 оны 12 сарын 05-ний өдрийн XIX/08 дугаар хуралдааны "Булган аймгийн 2024 оны төсөв батлах тухай" тогтоолын 4 дүгээр хавсралтын 2.2, 6 дугаар хавсралтын 42 дахь заалт, аймгийн Засаг даргын 2024 оны 02 дугаар сарын 06-ны өдрийн A/58 дугаар захирамжийн хавсралтын 21 дэх хэсгийг тус тус үндэслэн ЗАХИРАМЖЛАХ нь:

1. Барилга, хот байгуулалтын сайд болон аймгийн Засаг даргын хооронд Засгийн газрын зарим чиг үүргийг орон нутагт төлөөлөн хэрэгжүүлэх гэрээний 2 дугаар хавсралтын 2, 25 дахь заалтыг хэрэгжүүлэх, Хот байгуулалтын кадастрын мэдээллийн сангийн 1:1000-ны масштабтай байр зүйн зурагт зурагдаагүй инженерийн хийцлэлтэй барилга байгууламж, тохижилтын гүйцэтгэлийн зураг боловсруулах ажлыг 11,915,382 (арван нэгэн сая есөн зуун арван таван мянга гурван зуун наян хоёр) төгрөгөөр "Аржис инженеринг" ХХК-тай гэрээ шууд байгуулах эрхийг аймгийн Засаг даргын Тамгын газрын Хөгжлийн бодлого, төлөвлөлт, хөрөнгө оруулалтын хэлтсийн дарга (Г.Давааням)-д олгосугай.

2. Гэрээнд заагдсан ажлуудыг холбогдох хууль, журам, норм дүрмийн дагуу тогтоосон хугацаанд чанартай гүйцэтгэж, хүлээлгэн өгөхийг "Аржис инженеринг" ХХК (Л.Амартувшин)-д үүрэг болгосугай.

3. Дээрх гүйцэтгэлийн зураглал боловсруулах ажилд чанарын болон хугацааны хяналт тавьж хүлээн авахыг аймгийн Засаг даргын Тамгын газрын Хөгжлийн бодлого, төлөвлөлт, хөрөнгө оруулалтын хэлтсийн мэргэжилтэн бөгөөд аймгийн Ерөнхий архитектор (М.Цэрэнчимэд)-д даалгасугай.

4. Дээрх ажлуудын санхүүжилтийг аймгийн орон нутгийн хөгжлийн сангийн батлагдсан төсвөөс гэрээнд заагдсан үнийн дүнгээр санхүүжүүлэхийг Санхүү, төрийн сангийн хэлтсийн дарга (Д.Батцогт)-д зөвшөөрсүгэй.

5. Захирамжийн хэрэгжилтэд хяналт тавьж ажиллахыг аймгийн Засаг даргын Тамгын газрын дарга (Д.Алтаншагай)-д үүрэг болгосугай.

